



Inatsisartuni ilaasortaq Knud Fleischer, Kattusseqatigiit Partiiat  
– /MAANI

**Assartuussineq pillugu Isumalioqatigiissitap isumaliutissiissutaa nr. 2012-157  
pillugu § 37 naapertorlugu apeqqummut akissuteqaat**

3. juli 2012  
Sagsnr. 2012-067756  
Dok. Nr. 948094

Asasara Knud Fleischer

Postboks 909  
3900 Nuuk

Assartuussineq pillugu Isumalioqatigiissitap isumaliutissiissutaata politikikkut qanoq atorneqarnissaa siunertarineqarnerisq pillugu apeqqutinnut qujanarsuaq.

Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Attaveqarnermut aningaasaliisarnissanut aalajangiiniarnermi suliatigut patajaatsumik tunngavissaqarnissarput qulakkeerniarlugu Assartuussineq pillugu Isumalioqatigiissitap pilersinneqarpoq. Tassalu attaveqarnermut aningaasaliinerit suut inuiaqatigiit aningaasaqarnerat eqqarsaatigalugu imminut akilersinnaanersut misissorneqarnissaannik Isumalioqatigiissitap suliakkerneqarpoq.

Tamatuma kingorna politikikkut suliasat suliarineqarnerat ingerlanneqarpoq, tassanilu sunut aningaasaliinissarput kissaatiginerlugu sunullu akissaqarnerlutalu oqaluuseraarput.

Taamaattumik Assartuussineq pillugu Isumalioqatigiissitap isumaliutissiissutaa suliap ingerlanerata taassuma immikkoortortaraa siulleq:



Maannakkorpiaq immikkoortup aappaa ingerlapparput. Ilaatigut akiitsunut aningaasaliinissamullu suliniutini suut aningaasaliiffigissallugit akissaqartinnerigut, aammalu ilaatigut attaveqarnermut aningaasaliiffissarpassuit kissaatigisatta akornanni qanoq iliorluta tulleriiarissanersugut paasinianeqarpoq.

Taamaattumik aningaasaliiffissanut aalajangersimasunut allattukkanik saqqummiussinissamut siusippallaarpoq. Kisiannili suliasat Isumalioqatigiissitap inassutigisaannit sulinitinni siuarsimanerpaaffigisarput tassaavoq Nuup umiarsualivia. Tassani misissueqqaarnerit naammassilerput, ukiallu ingerlanerani politikikkut inaarutaasumik isummertoqarnissaa naatsorsuutigineqarpoq.

Neriuppunga matuma siuliani apequtit akisimassallugu, aammalu attaveqaatit siunissaat pillugu politikikkut oqallinnerup ingerlaqqinnissaanut qilanaarpunga.

Inussiarnersumik inuulluaqqusillunga

Jens B. Frederiksen